

四庫全書

集部

欽定四庫全書

集部

石倉歷代詩選卷三百五十九至六十一下

詳校官編修臣謝振定
侍讀臣孫球覆勘

總校官進士臣朱鈴

校對官主事臣張慎和

謄錄監生臣朱衣

欽定四庫全書

石倉歷代詩選卷三百五十九

明 曹學佺 編

明詩初集七十九

陳煒

送員外李叔玉之南京

新霜變碧草寒雲結朝陰送君都門道別騎何駿駿離
筵一樽酒因之話夙心君本明堂才蚤歲辭鄧林郎曹

二十載聲價輕南金輿情若有合擬作商家霖如何遠
行旆又逐南飛禽世事勿復道此懷良不禁自慚本樗
櫟託君交誼深鄉園與宦轍日夕相追尋有詩必投示
有過時見箴君今辭闕下我方逐朝簪仰視雲漢表一
似辰興參臨歧意難盡慷慨發狂吟淮江蕩蘭漿白下
聞霜砧舊京風景佳公暇宜登臨勿云子期遠終負伯
牙琴

歸蓬聽雨

眉山有二蘇芳名輝今古平生兄弟情一夜彭城雨薄
俗誰可敦對面秦越分同心復同氣三槐美雲孫伯也
秋臺英仲氏東山卧千里弟思兄燈火清宵坐坐卧情
不堪買棹來江南小窗歡會處風雨夜深談相親情獨
好欲別懷偏惡抗疏入君門共假還鄉樂新涼及春秋
同上潞河舟縱合風雨夕何曾違道愁初聽淮水東點
點在孤篷攬衣不成寐樽酒沽來同再聽吳江上浙瀝
枕邊響姜被夜正溫謝池草初長涓涓江上起何處無

寒聲微因手足愛胡能激深情鴻雁多分張此會安可
常而況慙歸省不日鶴鷺行我家有難弟別來幾經歲
天涯夢寢多長憶連枝會煩君相勉旃霄漢同飛騫預
掃兩家榻客窗期對眠

題怡雲卷

富貴聞洛陽幽寂稱柴桑亦有謫仙人對酒明月光月
行有圓缺花開易消歇惟有空中雲變幻在倏忽張君
海內奇愛之心怡怡無心觸石起漠漠隨風飛讀書在

林麓自停茅簷宿長遊湖海舟帆檣共馳逐不見花月
好光榮難自保但隨雲卷舒逍遙以終老

風木圖

我生嘆薄祜雙親溘朝露宦途將得祿泉臺總歸路悲
風何蕭蕭夜撼庭前樹有耳不忍聽有懷變淒楚蓼莪
廢哀吟綠衣為誰舞寸草心難忘作圖表深素哀哉舉
魚淚空灑泉下土惟有揚芳聲可代終天慕

題歲寒三友圖

伐木輒遺響管鮑今不作異類強為同中道生險惡徂
來有深根歲晏無凋落何處結同心南山與東閣密葉
間清香允然歲寒托援筆題斯圖因之勵浮薄

巡南畿夜宿茅山觀有懷和唐人韻

攬轡茅山陽林昏月初上解鞍扣道闕一榻假清敞樹
古虬影蟠風迴玉聲響客夢不成憇孤懷共誰賞緝惟
故山雲無由謝塵想

送趙雍訓武定州

都門雨初霽碧草飄初香故人別我去執手上河梁君
本吾鄉彥學海駕孤航沉酣三傳與落紙烟雲蒼悅如
九苞鳳燦爛五彩章楚人不見信置在山鷄行索莫難
自陳九天屢回翔何處攬德輝孔門道彌光念昔君未
遇桃李已門牆我家有同氣幾年托芬芳深情一斗酒
沃君離別腸酒盡君當發仰視雲茫茫好飽琅玕食高
岡待鳴陽

送王廷用司訓桐廬

玉階領儒官都門介行李祖筵一尊綠桐江幾千里君
本吾鄉英襟懷淡如水吐論錦蟠胸落筆烟凝紙齊瑟
叶雲和王門不經耳小成豈自安道傳心亦喜交遊滿
仕途道義如君幾今茲別我去離情悵何已臨分發狂
吟情詞愧疎俚敷教想多間緘書慰知己

商山四皓和羅彞正韻

生子不嗣漢花顏為誰好陰虹濁太陽前星暗穹昊誰
知安漢功乃屬避秦老赤松已先幾紫芝猶未槁出山

還入山白雲可重掃不見韓與彭門巷委荒草

題徐孺子墓

行藏原有道出處須見機忍恥穀危邦豈若甘蕨薇漢
道昔云季桓靈擁虛器西日走崦嵫寸繩豈能繫濟川
非無情中有波濤驚不見陳與竇殺身竟何成南州坦
平地高遂夷齊志有齒寧食力不掛安危事黨錮任紛
紜安能麋鹿羣束芻千里道惟哭故人坟我遭明盛時
引身非所宜雖無仲舉榻愛樹九齡碑宰木揚清風東

湖釀美酒再拜奠芳樽閒庭自花柳

遊開先寺

長憶匡廬秀無由結勝緣風濤避彭蠡冠蓋到開先徑
轉山環抱岩欹樹倒顛曇花當馬落蘿薜向人懸瀑布
簷飛玉香爐頂吐烟排窗招五老入室見諸天勝地堪
棲跡名途暫息肩矢心方味道有口懶參禪倦倚雲邊
榻行看石上鐫舊題半磨滅詩語尚新鮮景物知多少
詩家畫未全興酣烏夕沒坐久月東圓筆蘸潛龍窟茶

烹接竹泉客懷清似洗俚句不成篇想像陶彭澤追尋
李謫仙神交來夢寐為我足吟箋

題周文靖竹石圖寄贈山中葉克穎

紫臺山形若匏朴紫臺山下竹無數四時蒼翠拂簷楹
云是山人棲隱處我家相距十餘里文筆山前義溪澗
種得蕭蕭玉萬竿也學山人開別墅有時山人過我遊
坐看繁陰滿窗戶夜靜林間酒半醒鳳凰蹴落枝頭露
有時我棹紫臺舟六月炎雲不知暑膝下彈琴曲未終

鷓鴣啼落江邊雨兩家景物向來同十載萍踪何處所
高人為寫石上枝恍惚猶諧夢中趣他年烟水覓長竿
揮毫指點山前路

題戴文進赤壁圖

元豐有案詩成獄五載南來事遷逐黃岡形勝無處無
赤壁磯頭山水綠古樹深蟠不老根懸崖瀉下飛來瀑布
白露橫江風氣涼月出東山皎如燭扁舟欸乃擊空明
主賓逸興何當足歌聲上薄斗牛寒玉簫吹起鮫人哭

此時此景情最融那識升沉與榮辱舊存詞賦未淒涼
千古虹光耀人目臨安畫史藝無雙貌得生綃橫半幅
揮毫幾度不成吟祇恐神遊笑俚俗綿邈高風何處尋
漠漠江雲寄遙矚

題張方伯畫馬

長安陌上柳蟬地十二年間散羣驥蘭筋鳳臆若游龍
龍種生來盡神異良工寫意非寫形生綃半幅墜房精
韋韓之妙不復作眼前畫者誰得名箇中憔悴老無力

飼秣猶為人愛惜
其他驃裏與驛騮圍分明動鞭策
傍觀一馬殊不然
霜蹄騰踏嘶向前
汗血湏驂六龍馭
安得奚奴浪著鞭

題山水小景

江冷水溶溶羣山紫翠重
村孤茆屋小樹隱白雲濃
野渡橫歸棹深林起梵鐘
天涯塵跡久何處覓仙踪

遊月河寺和柯先生韻

小寺尋芳去微雲霽曉天
亭臺人境外門巷野橋邊徑

轉穿花入杯深藉草眠不嫌歸路晚乘月漫垂鞭

彭城弔古

彭城饒古蹟劉項屬誰家帆掛江間日城樓鳥外霞荒
臺無戲馬大澤不橫蛇寄語歌風者賢人帝獨嘉

和厚弟山居偶成

雞黍連枝會村居未寂寥茶烹南澗水酒送北溪橋取
具奔鄰叟闕門避客輶山深無日色早晚卜歸樵

述懷

自愛樓遲海上山于今誤入利名關無端世事愁邊見
不住鄉心夢裏還三伏炎蒸勞案牘五更風雨立朝班
也知竊祿渾無補逐逐光陰好是閒

草塘春色

柳塘春暖草初生綠遍江干萬里程彷彿西堂來夢寐
分南浦帶離情晴連碧漢看無異翠落蒼波染不成
吟得惠連詩句好秋風臺畔寄難兄

送魏司訓澄之饒州

日射金門曙色開故人銜命出蓬萊花邊躍馬香風動
鷗外飛帆細雨來北闕有心方重道西江無地不生才
明堂棟桷先收拾梁棟行應屬大材

宿聰上人房

半生無計滌塵襟喜共是公宿梵林隔竹茶烟冉冉
鎖窗花影夜沉沉有心聽法籌燈坐著意敲詩步月吟
一榻未容清夢覺又乘羸馬逐朝簪

送周太守琰還溫州

陌上春光遍柳條送君初下紫宸朝遙空雲盡千峰出
別路風生五馬驕離思不堪同作客交情還憶共題橋
孤舟明發知何在疎雨空江半落潮

送吳亞卿復致政歸螺江

五十餘年任畏途爾來歸興逐尊鱸風搖雙佩辭三殿
雲引孤帆入五湖荔酒醉眠花下榻茶烟吹起竹邊厨
白頭富貴人間少況復身閒一事無

寓臨清寄余文勉主事

交游何處見情真歧路相逢即故人斗酒屢邀花底醉
束薪多濟客中貧陌頭疎柳纔凋葉江上紅梅又放春
祇恐天書易催發論心不及往來頻

送陳黃門奉使琉球

使星宵傍斗南飛青瑣仙郎出禁闈雲染紫泥頒去誥
獸蟠紅錦賜來衣海門風迅帆檣遠天際烟消島嶼微
疊奉君恩之絕域台衡屬意望君歸

送林季成司訓吉安

娟娟垂楊拂綠陰河流不似別情深故人欲發西江棹
雲樹應懸北客心荒草滿庭芹泮雨南薰一曲杏壇琴
他時若採明堂具自有長材出鄧林

賦得繡里春耕

當年畫繡訪遺蹤此地躬耕有卧龍半畝鋤犁春雨足
幾家籬落白雲封遺安識得龐公趣棲遯真成谷口農
念我非才承世澤移文慎勿笑周顥

內翰黃仲昭以言被謫湘潭賦贈

一道封章徹紫宸。憂時寧復悼埋輪。
玉堂本是論思地。湘水甘為放逐臣。
孤棹夜寒惟有月。上林花發不知春。
皇明德量寬如海。珍重將來報主身。

同官胡以道謫黔陽丞用李廷美韻送之

凌晨相送帝城東。回首君門隔九重。
行橐獨留封事草。貞心不改歲寒松。
花邊且對離筵酒。夢裏猶聞禁苑鐘。
沅水謾勞遷謫恨。虞廷接武盡夔龍。

耕讀為苗太守題

昔年解組意何如郭外良田架上書隴畝鋤犁春雨後
茆齋燈火夜涼初鹿門景物宜人處龜鵠功名染指餘
笑我紅塵方擾擾不知何日買鄰居

題小景山水

雲卷青山外舟維古渡頭江亭輾輶寡閒對兩三鷗

題小景

深沉門巷隔烟霞路出重闕一徑斜江上小舟如載酒
定應來訪子雲家

出按東吳舟次通州

朝辭玉陛按東吳晚出灣河畫舫孤兩地思家南又北

滿江雲影樹模糊

經維揚見竹偶成

江南無地不清幽十載紅塵祇夢遊此日推蓬江上看
幾家茅舍竹修修

吳市居民目予年少笑而賦此

五載恩光映豸袍周詢民瘼敢辭勞問閭不用驚年少

無限秋霜點鬢毛

元夕寓淞行臺

六街簫鼓動歡聲獨坐行臺看月明不是有心貪勝賞偶逢時節獨闋情

沽來春酒已無多行酒青衣不解歌浮世幾回燈火夕
如何長在客中過

清明道中

驄馬行行過近畿家家坟上紙錢飛七千里外楸梧老

立斷東風泪滿衣

胡僉憲德盛寫蘭井題用韻答之

小窗岑寂夜如年
夢繞芝蘭若箇邊
明日相思鴻雁信
何如花底對牀眠

題高都憲早間亭

拂袖君門不復回
故園山水亦奇哉
可人最是亭前菊
不待秋風已自開

謫仙問月

沉香亭北奏雲和獨數清平第二歌何事夜郎流不返
又持杯酒戲嫦娥

宿永慶寺望厚用二弟赴會闡不至

衛河風冷亂流澌白日看雲夜卧遲殘月半窗山寺曉
不知何處正驅馳

期黃秋官賞春遇雨

見說仁山景物佳尋春有約踏晴沙無端最是連朝雨
孤負春風幾度花

石倉歷代詩選卷三百五十九

欽定四庫全書

石倉歷代詩選卷三百六十上

明 曹學佺 編

明詩初集八十上

鄭瑛

題新喻丞劉源墨菊

東籬吐佳菊采采含幽馨芳心竟云托離披履前楹詎
惟陶令賢千載同幽襟感茲時物遷獨見霜中榮故人

安素子為君寫其英醉墨尚淋漓宛若寒露侵豈無春
陽華朝發夕已零贈此竟何俟亦以期令音

答郭大參五龍見寄兼次前韻

不見汾陽宅猶存太史文寧知當世士才與古人倫席
上空鳴劍林間任折巾高風如可即清夜嘯歌頻

觀濤閣為閩縣鄒縣丞作

君家傑閣連雲起遙瞰滄溟拍天水東吳佳氣橫九秋
震澤長風破千里有時颯沓來飛湍瀟瀟五月生秋寒

故人早得瀛洲趣憑高何翅凌霄翰望中澎湃浩無極
太虛迫合春朝夕銀蟾席上採鏡光落景簷前掛丹碧
知君對此歡未央酒酣直欲窺扶桑及茲作縣三山下
便濯煩燠為清涼未誇枚乘觀濤賦更憶莊生望洋處
愧予亦有淮海心為爾長歌發襟素

寓金陵寄舍弟十二校書以識別懷兼憶二姪
吾祖昔葬龍腰峯石邊種子今作松吾家舊住鳳池曲
庭前種筍今成竹人生變幻那得知兒時自謂長若斯

一朝蹉跎各老大況乃落魄天涯之涯何淡蕩功
名未覩心猶壯母在寧論鮑叔心官卑不改陶潛況去
年風雷建中過斗酒懸慙奈別何老樵丈人發詩篋萬
素將軍贈劍歌別來欲度雲霄裏羽翼空摧溟渤水鴻
雁天邊落日低鶴鵠原上秋風起冕旒二子近何如客
久都門未得書馬首明朝忽西去何由見爾唾成珠

題丁克恭臨清軒

太湖之東水拍天鯀人結室龍為淵丁生胡為獨嗜此

清興直欲窺無邊洲頭高構凌虛起春風淡蕩吹香芷
不異幽人水竹居還同處士柴桑里有時懷術出吳中
藜杖看山日幾重雲外經時多馬跡花間坐處即仙蹤
羨君愛山仍愛水醉來掃向丹青裏戲墨與人不索錢
臨流更結湖中意湖中意清且長嗟予此樂亦不忘歸
將載得湖上月為爾鼓枻歌滄浪

赤岝喬松

獨不見君家萬丈之喬松交柯崛走驚蛟龍渾沌以來

不可數孰識夏后之植秦人封盤谷直與元氣會赤岺
東西分晝晦怒豹毛霏霧雨中神鼈背折川岡外吾聞
中有何氏居過者仰見今嗟咨秋蟾在空風在谷胡用
門前列戟鳴驪駒上有翡翠蓋下有珊瑚枝鬼神守護
仙人期安得置我清陰之石上坐待白鶴歸來時

茅屋書聲

若有人兮山之阿結衡茅兮被女蘿紛青衿兮淑且多
援吾師兮進明謨羌佔畢兮激清騷聲琅琅兮振鳴珂

東梟盧兮西簫歌時既迫兮將奈何思我樂兮心忘勞
舍姬孔兮誰將與訛

秣馬謠送王御史恒哲

渥洼水咽天房開酸風嘶入黃金臺赤虬帝子市駿骨
感激白汗啼香埃雙銅刮露竹披耳三驥連錢罕紅尾
碧蹄颯沓碎瓊瑤青毛參差剪秋水畫闌十二春夢涼
銀缸夜煮蘭苔香胡鰐黃鬚不敢秣忽驚神駿生輝光
劉郎倚醉桂華樹洗却芳塵拂金紫為君折取珊瑚鞭

一日旋風五千里

九仙山

南登九仙峯西憶雙溪月玉輪千里懸秋光環珮玲瓏
上瑤闕仙人去去不可留聽我一曲歌丹丘清晨搖曳
采雲別白日飄忽乘天遊我宮之真師乃是紫陽客與
君銘骨授長生昔隱茲峯鍊精魄誰料丹砂化成烟謫
向人間二十年玄風笑翳花源去化衣醉拂秋霞眠青
童返霓旌相招擁仙蹕下窺城郭幾回新手種長松已

千尺杳然真師失其蹤身騎白羊去無窮鸞啼鶴怨天
府空長攀玉樹期相逢君家乘龍度百越過予洒掃石
上月真師不來君又發還掩洞房泣仙骨

次南安同寄從弟新建令希肅

一官瓊海獨淹留倚棹看山恣遠遊白下秋風憐竝桂
淮中暮雪憶同舟緘書久負翩翩雁橫席長從汎汎鷗
聞道政成有佳趣惠連詩句近耽休

題羅司訓聽潮軒

席罷談經思獨清更於靜裏聽潮生半將春水來天籟
盡入羊城作雨聲登閣觀濤空有賦臨流洗耳亦虛名
何如醉卧滄洲上萬里琳瑯一解醒

丙午孟冬黎冠竊發吳訓術自病中見寄因避
難航海遂和

故人臥疾近如何賴有詩懷祇自磨蘇子加餐須努力
沈郎多病愧吟魔半生別業經殘燹萬里還家備走舸
風景年來倍蕭索枕間清夢已無多

白沙翠竹

沙頭萬玉碧參差絕勝三湘烟雨餘晝拂微颺侵席冷
夜隨涼月逗窗虛編籬稍斷樵人跡開徑能通處士居
為問主人游宦久故林清夢近何如

山水圖贈南雄黃驛宰

舟移青嶂夕門掩碧蘿春欲問仙槎客南來第一津

秋夜泛舟

蒼蒼秋月涼颯颯寒蘆短孤舟人未眠霜花撲窗滿

又

雲中蘿幌開石上苔衣冷古調人不聞誰能發深省

又

石屏秋雨淨野樹晚風微忽憶前溪好應須踏月歸

鼈溪漁唱

數項烟波靄靄半窗風荻瀟瀟欲罷棹謳歸去月明又

轉溪橋

附鄭珞

送王醫官歸龍泉

拜命恩波潤南歸道
路長才名雙白髮
行李一青囊祖帳連春草
征帆掛夕陽雲消波浩蕩烟暝樹蒼茫旅食
經淮海家園入楚鄉
藥分蘇井水花迷董林香濟世推
恒德長生有秘方
宋清雖已遠千載共流芳

題四會顏大尹竹軒

顏君瀟灑謝塵俗
遶屋惟令種修竹
萬竿直節凌雲霄
半畝濃陰絕塵埃
嫩葉幽枝翠欲流
橫窗拂席清且幽

綠雲藹藹湘潭暝霜雪翛翛淇水秋冰簾半捲棠陰靜
對此鳴琴多逸興午夜長空風雨來萬頃秋濤滿清聽
湛露三時滴不乾高堂五月生微寒玲瓏最喜吟中見
旖旎偏宜醉裏看君不見名花異卉足佳色一旦西風
盡摧折何如此竹無凋零歲晏相期抱冰雪

左掖聞鶯歌

蓬萊曙色寒蒼蒼萬方劍佩朝明光流鶯舞影過雙闕
遙送新聲出建章數聲纔度五雲表百囀還聞上林杪

宮漏沉沉九陌春
禁鐘隱隱千家曉
烟花遠近布春聲
聲聲裊裊如有情
不隨仙仗雲中散
頻逐簫韶花外明
流音往復斷復續
覲睨綿蠻聽不足
初訶湘靈鼓素絃
又疑秦女彈新曲

塢溪書舍為易行人節賦

高士耽幽遂隱淪
卜居遠向塢溪墳
林塘窈窕開新墅
籬落蕭條入白雲
卷幔青山吟處好
隔窗飛瀑坐來聞
樓鶯粉落琴邊竹
辟蠹香浮澗畔芸
閉戶共憐玄晏僻

垂帷長羨董生勤案頭螢火搖寒影戶外秋聲起夜分
問字故人頻載酒趨庭諸子總能文鵠鵬已展圖南翼
騏驥曾空冀北羣天上星槎隨玉節日邊鳳勅煥龍紋
清時不負經綸志願竭忠貞答聖君

次黯淡灘

落日掛青嶂舟行次危灘天影動秋色溪聲生夜寒予
懷正寥落復此聞潺湲撫劍對明月喟然發長嘆

和崔喜外弟盧倫見宿

近卜孟家鄰簞瓢不厭貧關河今夜月兄弟異鄉人對酒傷春晚思家入夢頻明朝又分手客路孰相親

登四明郡城東樓

越州開霽色城上獨登攀萬室烟中樹千峯雨後山江橋潮汐急海嶼水雲間東望三仙島滄溟杳靄間

晚次曹娥江

山靜孤雲歛沙虛夕照明隔江漁火淡入夜海潮驚廟重曹娥孝碑雄魏武名開窗對新月獨酌見幽情

郡齋即事

日長公事少退食有餘閒下榻留高士攜琴對鄧山萍
開魚出躍松暝鶴飛還浩蕩乾坤內怡然一解顏

度江寄懷諸姪

軫翼迴天象山川壯帝都漢江元入楚淮樹半侵吳仙
夢遊三島漁舟憶五湖紀行多賦咏千里寄封胡

次京口

北固山如畫南徐月上初烟消秋水濶霜重晚林疎臺

榭千年麗江山百戰餘興亡總陳迹搔首獨躇蹰

峭石道中

客久多愁思行遲覺路遙山家棕蓋屋溪徑竹為橋谷
響常疑雨雲深或遇樵前村投逆旅風雨晚蕭蕭

夾溝道中

暝色下滄洲舟行近夾溝樵歸爭喚渡漁唱忽驚鷗古
墓侵沙岸居人傍驛樓留城應在望欲訪赤松遊

宿宣義池和夢得韻

秋晚過幽亭烟空楚樹青潮聲歸別浦天影動疎星野
曠螢流火霜清鶴墮翎乘桴如有意東去即滄溟

宴徐將軍居庸關席上呈王都憲崔司馬

關入居庸險城臨北斗懸龍琴調宴樂虎帳集羣仙
爽氣來山雨秋聲漱峽泉醉餘望雙闕遙倚五雲邊

送高時旭還閩

祖帳連芳樹征帆掛夕曛鄉心閩海月客夢楚江雲
候館雞聲早平蕪雁影分懸知霄漢上早晚薦雄文

贈僧

桑門聞說遠公賢
遯迹廬山四十年
祇樹清風揮玉麈
曇花香雨擁青蓮
乾坤夢覺空中相
水月心閒定裏禪
塵事相關長擾擾
虎溪何日細談玄

賦得馳道玉聲寒送羅澤御史之南京

禁城鐘鼓漏初殘
珮玉聲中引百官
響度碧雲雙闕曙
清搖秋月九霄寒
花邊振處風霜肅
天上朝回雨露寬
多承恩南去日幾迴
清夢聽珊珊

錢塘懷古

雙龍北去歸遼海匹馬南來嘆寂寥一代興亡吳苑月
千年感慨浙江潮岳王墓上松聲慘伍子祠前劖氣消
遊女不知行客恨夜深湖上更吹簫

舟中寄羅宗讓先輩

淮南草色赴離愁江上潮聲送客舟雙鬢漸驚玄髮變
一官長負素餐憂烟光暝積丹陽雨春水寒生震澤秋
鄉思滿懷吟望處毘陵城上獨登樓

次高侍郎韻

芳村渺渺帶平沙柔柘陰陰一徑斜
老去更堪身在客病餘方覺眼生花
蟲聲入夜驚秋早雁影衝寒冒雨斜
西望故鄉情不極白雲飛處是吾家

故宮人

雲雨巫山夢已闌
衰容羞向鏡中看
歌成紈扇秋風冷
舞罷霓裳夜月寒
玉筋暗垂今日淚
波金蓮空想舊時歡
閒居寂寞誰相問
簾捲黃昏獨倚欄

永樂甲辰四月二十七日扈帽山雪後呈兵部

崔侍郎

四月天山雪未乾同雲萬里白漫漫月臨虎帳晴光薄
風颶狐裘曙色寒尊酒對燈稽嶺北孤舟飛夢剡溪灣
願令一洗邊塵淨疋馬寧辭道路難

登柳州城和柳子厚

獨上城樓望八荒神遊霄漢入微茫輕雲帶雨來高閣
落日隨烏下女牆萬里故人憐遠謫千家砧杵斷愁腸

長沙未有歸朝計老向天涯各異方

花影

滿庭春色醉芳菲影落朱欄若有期月下參差人靜後
日邊零落雨晴時杳魂暫逐行雲去嬌態還從淑景移
最惜年年寒食候風吹萬點重堪悲

病起喜景著見訪

書齋隱几厭紛譁閒看春風掃落花忽見兒童占噪鵠
遠勞車馬到寒家細簾捲月新賒酒石鼎分泉漫煮茶

欲賦南軒酬盛意揮毫臨紙尚欹斜

和解學士遊七星巖

碧空遙訪日華君
磽道泉香下鹿羣
神女祠前風作雨
伏波巖畔水連雲
石門冰雪清詩骨
仙洞烟霞隔世紛
金馬玉堂歸夢杳
野猿山鳥不堪聞

和吳當塗源弔李白墓

半世醺醺笑獨醒
九原漠漠掩重扃
月沉牛渚三山晚
雲抹蛾眉萬古青
遺廟有碑題姓字
荒阡無主泣山靈

文光不泯歸天上卧看樓頭太白星

焚香玉鼎

綱緼長見吐奇芬銘刺猶傳漢代文碧玉烟和搖蜃氣
紫苔花冷隱龍文琴邊畫永心同靜簾外風微手自焚
行向廟堂膺大用磨礲遠擬勒殊助

渡口

返照落平原孤舟繫疎柳隔河喚渡人獨立秋風久

明妃怨

家國知何在風沙滿目愁惟餘天上月還似漢宮秋

閨思

自君之出矣絲桐無復理思君如轆轤展轉不能已

江南曲

偶逢故鄉人寄書故鄉去妾家在橫塘門前兩株樹

朱漢傑四小景

石壁霽秋雨溪雲淡將夕一曲龜山吟悠然楚天碧

題沈叔用夏廸山水

鏡天日落萬山秋雲水微茫島嶼浮欲訪仙源迷舊迹

滿江烟月一歸舟

題枯木竹石

湘靈夢斷湘雲夕涼葉滿瀟瀶秋碧君山半夜風雨來

萬頃波中老龍泣

春日偶作

病來斷酒笑獨醒南山遙對北窗青心閒夢覺日當午

啼鳥數聲花滿庭

附鄭亮

送林季聰進士使三湘圖

君家粵西曲我家于山顛辭家遠行邁脩程餘八千豈無一匏羨可以樂永年出身重天顯經綸貴才賢錦裘赤霞綬玉綺紫雲鸞丈夫志不偶徒為渠所憐結髮入庠序高歌宵雅篇時哉適我志行行宜勉旃

送朱州判子還家

君家住在于山麓門前舊種桑榆綠遙望葱葱知故家

況有清陰庇鄰曲記得當年二月時繅車軋軋蠶初絲
桑影欲斜春社散榆烟新起午炊遲故鄉別來今幾載
樹色重重長不改石砌輕風落小錢粉牆晚日垂高葢
憐君近別復何如依然繞屋青扶疎感之忽爾有歸思
因買孤舟還故居

山水圖為兵馬指揮朱君題

聞君住在蓬壺天赤城十二遙相連閒來聽籟坐松石
仙衣醉拂秋霞眠柴門不掩讀書處隔窗恍惚生烟霧

重蘿隱隱半山鐘。細雨濛濛萬花樹。天書憶昔下巖阿。
不起其如蒼生何。仙人別去五雲表。碧山悵望空嵯峨。
碧山千里復萬里。仙人洒向丹青裏。何日陶潛歸去來。
扁舟遠掛滄江水。

湖山秋霽圖。圖有鴻雁烏鵲竹木為吳太守作。
太湖渺渺浮晴玉。蘆荻河洲秋皎皎。懸崖岸岸黛蛾森。
羣雁盤翔下平陸。瑤天捲雲碧於鏡。山空水闊橫秋影。
玉筆峰前鍊畫書。白榆川上金蛇陣。哀烏冥冥破昏碧。

寒聲帶暝相呼急蘭室銀缸融冷光佳人半掩羅襦泣
小奴有警相依眠野人縉繖今悄然夢迴邊塞三更月
魂逐衡陽萬里天栖栖有恨誰教省啄者自啄飲自飲
南國原田菰米稀洞庭渚澤烟波冷學淵老仙鶴骨清
修筠落木多秋情夕陽樹杪散餘綺歸鳥欲宿啞啞鳴
爾烏已托一枝安征鴻翫喜平柯寬明日飛騫九達上
請看儀羽天朝端

送楊進士畢姻歸姑蘓

仙子承恩下赤霄香風送上木蘭橈五雲光動黃金榜
雙鳳聲和碧玉簫石洞蟠桃開作錦銀河靈鵲駕成橋
歸來莫戀春容好整珮應期共早朝

挽杭州蔣處士

徜徉杖屢嘯林丘白髮蕭蕭七十秋令予初承聞喜宴
仙翁應夢采真遊西湖誰咏寒梅月剎曲空遺夜雪舟
惆悵湧金門外路斜陽原上重回頭

石倉歷代詩選卷三百六十上

欽定四庫全書

石倉歷代詩選卷三百六十下

明 曹學佺 編

明詩初集八十下

朱克誠

水

浩浩無津際杳溟烟波何處望蓬瀛馮夷銀屋千層迥
漢使星槎一葉輕盈縮應隨天地化奔流不盡古今情

萬方共喜風濤息四海絃歌讚聖明

塵

一騎駿駿涉遠途紛紛如霧暗雲衢迎風却認沙中起
過雨還從陌上鋪亂逐行車迷劍佩不隨流水入江湖
祇今四海昇平日佇見晴空一點無

霞綺

孤鶩齊飛入望賒晚晴遙映夕陽斜光疑海月流珠彩
艷訝天河浣絳紗錯落霜林籠錦樹澄明仙井燦桃花

散成紫氣凝丹室絕勝芙蓉伏火砂

霜花

曾聞青女手栽培露冷風嚴徹夜開色借龍泉涵碎玉
光凝鴛瓦軟纖埃輕盈積素迷行佩冷淡無香訝落梅
何事太陽收拾却又隨流水到天台

睡蝶

曉日初晴百卉香為貪春睡倦尋芳魂隨斷靄迷花徑
夢逐殘英度粉牆翠幄深沉愁雀噪香林寂寞怯風狂

醒來粉褪飛猶懶却憶莊生寄恨長

飛燕

王謝園林舊路荒不妨陰雨補巢忙自憐弱羽隨萍梗
何暇棲身向畫樑低拂綠楊過藥圃斜穿青草度芹塘
烏衣雲海頻來往不憚風波道路長

梅魂

朝來策蹇覓芳魂南北枝頭見淚痕春靜不堪溪上弔
夜深空向笛中論吟餘姑射幽香遠夢入羅浮素影繁

幾度石橋西畔路淒涼新月照黃昏

白鴈

聯翩北向復南翔玉宇橫看寫恨長色借蘆花澄素練
影涵明月上波光金河遙度千行雪紫塞孤飛一片霜
為問上林傳札後別來曾復見蘇郎

無絃琴

焚香掃石獨橫琴愧乏朱絃感恨深月下不聞烏夜操
花邊空憶白頭吟難將古調傳心事無復高山遇賞音

為報東林蓮社侶不堪擁抱日相尋

遊絲

綰烟曳日度江皋散逐晴風下復高柳外牽情邀翰墨
花邊紫恨怨離騷千尋謾憶紺蘭佩萬縷空懷織錦袍
收得春回桃浪暖謾言曾許釣鯨鼈

羅泰

水

天吳自昔肇洪荒一望東南接混茫習坎不盈時未達

在川應與道俱長禹門春盡魚天湧牛渚秋高徹夜光
愧我短纓猶未濯不知何處泛滄浪

塵

聞道麻姑碧海東飛揚幾度杳難窮萊蕪飜朽名猶在
石虎樓高事已空謾逐清風迷玉塵長隨旭日逗房櫳
自慚擾擾浮生裏何處蓬萊絕島中

霞綺

滕王高閣近滄洲散綺千章絢碧流杳藹祥光虹駕闕

氤氳佳氣蜃為樓紋成織女機初下丹伏茅君火未收
我欲朝餐凌絕景飄飄長侍赤松遊

霜花

憶自淞江下秀州蒼涼玉宇霽光浮誰於月露雙清曉
幻出瓊花一色秋蝴蝶夢回看不厭鴛鴦瓦冷覺生愁
凝輝絕勝吳鹽巧柳絮才高愧莫酬

睡蝶

繁英採採拾香紅倚倦還棲錦繡叢濕透粉裳愁夜雨

低垂玉版怯春風
魂歸莊室應同化
夢與南柯杳不通
向曉却應誰喚醒
鶯聲遙在百花中

飛燕

華屋雕梁粉繪新
烏衣何事往來頻
輕狂更擇營巢處
下上猶尋繫線人
冒雨斜穿三徑曉
隨風遙度萬家春
自慙寄跡浮名下
南北東西老此身

梅魂

孤山蹤跡迥無邊
醉裏羅浮別有天
春信挽回風冉冉

角聲吹斷月娟娟石橋清趣將吟遠紙帳空香入夢傳
覺後欲尋渾不見淚痕殘雪暝浮烟

白鴈

憶別蘇郎塞外城秋來何事復南征遠疑孤鶴橫空迥
近訝閒鷗泛渚輕雪滿上林朝送影月寒湘浦夜聞聲
懸知霄漢翶翔日白雀那能獨擅名

谷宏

霞綺

晴天吐彩散英英佳氣光輝照赤城曉起忽隨孤鶩去
晚來仍逐片雲行熾如蜀錦榮還燦皎若爐丹色更明
欲起高樓頻眺望悠然餐罷可長生

霜花

皎皎流輝爍玉英九天繁露似凝成方疑趙璧明還潔
若比驪珠色更清隋苑瓊花無瑩彩唐宮玉藥少光明
化工若使應長在宛洛芳春第一名

睡蝶

逐氣隨香何處尋翩翩無力宿花心不知狂客傾盃樂
只與莊生入夢深葉底風微猶栩栩花間日暖正沈沈
覺來粉翅初輕舉方聽笙歌有妙音

飛燕

曾向烏衣國裏來暖風先到栢梁臺翶翔畫閣朱扉敞
下上華堂翠箔開倏見秋容何處去忽逢春色又飛回
昔年王謝門牆盡惟有荒臺長翠苔

無絃琴

陶令閒來理素琴，悠然妙趣不聞音。
夏炎揮手風生座，夜靜怡情月滿林。
石上攜來多逸興，堂前撫罷更清心。
湏臾三徑黃花發，抱向寒籬酒共斟。

林坦

水

混混泉源一氣通，功成潤澤古今同。
魚龍變化誰能測，江漢朝宗不可窮。
潮信有期惟向月，波瀾無意自隨風。
萬里蓬萊隔擬泛，星槎向此中弱流。

塵

一道空濛晝未開青槐綺陌動浮埃暝隨微雨花前歇
晴逐香風柳外來羅襪行侵遊闌苑馬蹄繁轉下章臺
不知開闢洪荒後碧海飛揚又幾回

霞綺

赤水祥光杳靄中曉隨孤鶩氣空濛六街羅綺花前月
十里旌旗塞上風色借霜林迷遠樹影蘸桃浪動遙空
最憐王勃才無敵膝閣當年記獨雄

霜花

青娥巧剪奪春工萬瓦瓊瑤一道通暗結冰魂凝曉露
不隨香絮逐寒風鉛華荏苒銀屏隔梅額輕盈玉鏡空
蜂蝶飛來空戀戀不知何處是芳叢

睡蝶

翠逕深沉日未西紅稀綠暗望中迷穿花墳覺芳心懶
卧柳從教舞翼齊金谷魂飛春寂寂銀塘夢入草萋萋
飄然欲與莊周化莫遣鶯聲柳外啼

飛燕

烏衣千里愧飄蓬春去秋來似夢中貪掠香芹芳徑遠
不知清晝畫梁空雲邊征鴈應堪擬江上閒鷗迥莫同
偶語何須尋舊壘秦樓寂寞掩春風

梅魂

曾憶尋芳度石橋滿懷幽思雪飄飄西湖鶴弔春如夢
東閣詩成恨未消疎影蕭條和落月空香縹渺逐寒飈
羅浮酒醒人何處玉笛聲寒夜色遙

白鴈

雪霽千門舊路微
曾傳玉札上林飛
行歸紫塞和霜斷
影度銀河帶月輝
瑤瑟輕彈移寶柱
霓裳妙舞想春衣
西風吹醒蘆花夢
悵逐閒鷗上釣磯

無絃琴

雅製曾傳太古時
蛇紋深斷碧梧枝
最憐得趣同元亮
何必知音覓子期
流水高山應默契
陽春白雪有心知
長卿無限求凰意
寂寞何由寄所思

遊絲

彷彿冰蚕繭乍抽隨風嫋嫋自悠悠牽花有影晴多見
映月無痕夜不收色借明紗江上浣光添白髮鏡中愁
將軍況是經綸手高唱于今愧莫酬

秦善

水

一氣流行混太空涵幽極遠意無窮波濤迥與風雲合
動息應參造化功牛渚天河涵夜白扶桑碧海漾朝紅

若為舟楫還堪濟未老滄浪一釣翁

塵

紫陌蒼茫啓曙扉晴風初起亂依微
靜沾藥架埋香逕行傍車輪上客衣
夢草池塘清不染看花臺榭暝還飛
同遊館閣城南道拂面狂吟幾度歸

霞綺

艷彩澄明天外落赤城縹渺望中微
光浮玉洞仙人掌色染瑤池阿母衣
朝傍孤雲催雨過暮隨晴鳥向江飛

仙家最有餐虛術欲學長生何處依

霜花

露下亭皋夜未闌凝華積素共漫漫瓊葩色瑩瑤池冷
粉靨紅消玉壁寒梅徑醉歸和月見梨園歌罷倚樓看
遙知仙客朝元處一片清輝集露盤

睡蝶

春條縈恨正依依睡倚紅香思欲迷牆外不驚飛絮起
窗前偏却小鶯啼莊周曉夢成寥寞金谷春遊益倦樓

解意東風忽吹醒尋芳人在畫欄西

飛燕

雙飛來往野橋西數里平蕪綠漸齊花徑泥香嬾雨濕
繡窓風靜怕簾低巢成却擬歸來早海曠那堪望去迷
感慨舊時王謝宅空林殘日冷淒淒

梅魂

山逕荒涼雪滿枝寒風吹冷轉參差幽香暗結黃昏後
淡月微明半夜時東閣不曾吟裏見羅浮空說夢中期

更堪何處成追憶腸斷西樓玉笛悲

白鴈

憶昨瀟湘倚棹時蘆花深處見還稀羣依露渚涵空遠
色淡秋旻背月飛海客無心那可狎江鷗有伴恐忘機
蕭條莫遣寒風起又帶晴霜向北歸

無絃琴

雅製何人敢擅名碧梧枝老斷紋生花遏不道相如意
席上猶懷太古情白雪陽春空有調黑河秋雨冷無聲

誰知陶令歸來日
別是風流一段情

遊絲

舊遊曾入桑間路
惹袖靄裾思未休
纖綆依稀烟外沒
羣珠蹙續雨中浮
晴牽草樹繁春恨
暝倚花窗織夜愁
只恐驚風吹散去
殘絲零亂不堪收

李溥

水

幾度潺湲樹底過
淵澄會見鴻
天河氣蒸桃浪紅
翻錦

色借湘裙綠染羅曲矯分來聽不盡長溝流出恨偏多
朝宗東泛滄溟遠萬里瀰漫接巨波

塵

九衢蹤跡望微茫東海行闌久不揚偏集貧居生范餽
每隨清趣積虞床暝連花市輕烟綠秋結沙場落日黃
更憶凌波微月下寒侵羅襪暗飄香

睡蝶

晴晝沈沈何處來香鬚粉翅欲低摧風驚柳絮魂初斷

日轉花陰夢未回若個有情憐蠹幻困儂無力怯鶯猜
漆園感化應難憶料爾芳心未肯灰

飛燕

年年來去為誰忙偏戀晴春引興長楊柳池塘窺日暖
杏花門巷落泥香孤飛帶雨尋華屋雙翼隨風過粉牆
王謝舊遊雲海闊秋深離恨轉淒涼

霞綺

長空絢彩麗春熙清旦呈祥冠日輝初訛皎綃橫海市

還疑雲錦下天機輕盈映水驚魚躍散亂隨風伴鶯飛
更願靈華成五色為君裁剪作朝衣

霜花

鉛華露彩釀丰姿寒艷偏承造化私鴛瓦雙團銀布粟
鶴巢千片玉連枝祇緣青女施粧巧休訝羲和馭日遲
應與同雲爭獻瑞每符豐稔兆明時

梅魂

吟餘楚些夜初闌憶得香魂欲弔難素影暗憐冰骨瘦

清容淡怯羽衣寒夢驚宋玉粧前斷怨入羌胡笛裏殘
幾度黃昏人靜後朦朧長對月中看

白鴈

南來北往嘆長途重整霜翎泛五湖色映銀河天共遠
影分瑤島月同孤傳書度塞迷寒雪避繳投荒長綠蒲
莫向蘆花深處宿錯教鷗鷺夜相呼

無絃琴

獨抱孤桐欲理遲衰回拂拭乏朱絲謾誇蔡琰知音夜

但誤陶潛得趣時別鶴久違花下賞離鸞空負月中期
年來不習和鳴調忽聽陽春動所思

遊絲

春來到處美輕柔綰霧縈烟不自由情密暗牽楊柳外
恨深偏繫杏梢頭鶯梭引緯應難織魚餌投綸恐莫收
日暮風高總飄泊殘絲長送落花愁

朱珙

塵

聞說輕依弱草棲曾沾花雨作香泥錦筵舞罷隨仙步
紫陌朝回逐馬蹄榮辱寸心應渴長古今浮世為昏迷
長纓不染還須濯莫道華簪是辟犀

霜花

青女鉛華和露調殘粧洗却凍難消光如銀粟鋪宮瓦
凝似瓊林積板橋冷艷分隨朝日泮寒威不受晚風飄
稜稜絕勝孤山雪差並江梅綴玉條

梅魂

東風吹雪玉屏空
姑射仙姿杳莫逢
冰魄飄零空入夢
水香浮動覓無蹤
厭聞羌笛傳新恨
愁對宮粧想舊容
惆悵西湖湖上路
空餘殘月夜溶溶

白鴈

漢使傳書事惘然
箏彈玉柱怨商絃
行離露陣迷湘浦
字斷銀鈎帶楚烟
汀鷺錯呼慚獨立
沙鷗誤認狎羣眠
蘆花明月長為主
自是來賓又隔年

睡蝶

栩栩芳心戀艷陽宿迷春色獨憐香韓生有恨將魂斷
莊子多情入夢長暖壓困濃貪晝靜花飄驚覺怪風狂
低垂粉翅慵飛舞猶憶南華路渺茫

無絃琴

柴桑人去杳無期名在孤桐世共推為惜蛇紋囊綠錦
那將鴈足繫朱絲宮商有意空思憶鸞鶴無聲久別離
自是寸心諳古調徽音寧與俗人知

遊絲

吟對遊絲春晝寒、繁花曳柳拂欄杆。雨繅搖曳千莖亂
風軸、飄揚幾縷殘暗織。鶯梭穿未得、晴牽蛛網結。應難
自慚華屋還堪比、滿鏡蕭蕭不忍看。

鄧善

塵

簾外紛紛惹舞衣、暗浮明鏡拂重幃。牙床積處沈香細
羅襪、生時獨步微南陌。風飄花共散、東城天靜靄連飛。
誰知林下棲遲者、獨掩衡茅為息機。

睡蝶

穿林采采日初昏
欲化莊生向漆園
已被香雲邀入夢
不堪疎雨濕殘魂
芳鬚半捲金纏縷
粉翅微開玉戛痕
醒後更無梁苑思
只探花竹數家村

梅魂

芳魂寂寂倚春魁
厭聽孤城畫角哀
笛影空中尋月伴
衣香水上候風來
曾臨東閣教詩興
更入羅浮徹夢回
只恐清芬易消歇
惟餘玉骨瘦蒼苔

白鴈

相呼相喚度衡湘萬里排空曳粉光江上聯翩水色淺
雨中嘹唳玉聲長蘆花伴影欺寒月秋水翻翎勝早霜
飛入上林霄漢近也隨羣鷺綴班行

無絃琴

朱絃不具錦囊盛幾度空攜月下行天水斷紋看有影
嶧陽焦尾聽無聲竹邊每恨徽金冷石上空懷漱玉清
只恐茂陵多病後那能一曲寄鍾情

遊絲

一髮風吹何處依。溶溶曳曳舞輕微。
柔間向晚新蠶吐池上。先秋斷藕飛。繫柳縷繁。
江客棹牽花影落。玉人機更看。幾處殘絲細。飄泊東西遊子衣。

郭庾

水

曾憶閒居江上村。多情日日繞衡門。
去來暝帶晴雲影。瑩徹寒兼夜月魂。
迢接天河應不舍。欲觀滄海已難言。

何當借取仙槎便相與同尋禹穴源

塵

一道空濛衆所猜宛疑陽至動飛灰貧居却厭閒中滿
浮世還從何處來迥逐風光飄紫陌寧隨夜氣點靈臺
舊遊蕭寺留題處紅袖那知拂幾回

梅魂

冰想清肌雪想容天寒那任倚香風淒涼每見黃鐘後
飄泊誰憐玉管中朝對西湖宜鏡水夜歸東閣瑩房櫳

逋仙逸興應難弔夢斷孤山月色空

白鴈

楚雲湘水遶天涯幾度隨陽客路賒影落秋潭宜桂魄
身投暮渚並蘆花玉門霽雪將魂斷紫塞清風引字斜
應想當年持節使窮荒南望更堪嗟

霜花

豐山半夜動鐘時露結瓊花碧瓦滋天上曾聞青女降
人間應訝玉簪遺扶桑曙色偏相妬太華秋容宛更疑

晴倚畫欄相對久淒淒應恨曉風吹

霞綺

東望扶桑拂曙紅參差鱗影五雲同千尋濯水流文采
一片經天賴化工氣繞赤城紅樹合光涵銀浦錦屏空
何當收拾成佳製會見萊衣戲曉風

飛燕

弱羽參差翠黛寒飛來飛去畫梁間池塘影拂蒲風落
林巷身沾杏雨還出戶誰憐嬌客在入樓應識美人閒

烏衣故國知何處
萬里蒼茫海上山

無絃琴

枯桐一片鎖清秋
雲水空餘爽氣浮
楚瑟聲沈江月白
吳絲影斷曉星流
歸來陶徑開新調
病起文園掩舊愁
更羨衡門公暇日
陽春有曲愧難酬

遊絲

清晝沈沈淑景遲
空中萬縷總堪疑
青樓偏惹羈人恨
銀漢空懷織女知
鳥外迎風繁草帶簾前
曳日綴花枝

于今好入經綸手莫作江臯一釣絲

余旭

塵

紛紛浮世暝霏霏來徃長看滿客衣驛路每隨香霧起
沙堤長逐朔風飛丹砂功就應難染明鏡臺空已覺非
自愧半生飄泊跡疇能為我息斯機

霜花

鉛華積素瑩娟娟布粟成花有底妍萬點珠星凝碧瓦

千枝粉幹綴銀牋江橋曙色迷行騎草塞寒光接遠天
自是南琛風景薄若為佳瑞兆豐年

梅魂

春早幽尋雪未乾冰肌寥賴月中寒魄依東閣吟邊返
影落孤山夢裏殘怨斷宮粧嗟別久曲終羌曲弔歸難
幾回憶得羅浮事醉舞東風更倚欄

白鴈

傳書曾聽渡金河萬里霜翎帶雪過夜傍星橋珠錯落

朝飛露渚玉婆娑橫江影動滄波白
背月輝澄素練多
莫道衡陽歸路杳海天風景易蹉跎

睡蝶

暝宿園林晝日長芳心冉冉惜餘光不禁澗底風泉冷
偏愛花間露葉香夢怯林鶯啼上苑魂隨野草落荒塘
未知曾見莊生否懶却尋香過畫牆

無絃琴

何人千里寄孤琴有軫無絃恨轉深花落不隨流水調

月明空憶越江吟久慚石上難留興每負燈前獨賞心
遙憶伯牙千載後惟君與我是知音

遊絲

弄影晴空處處奇輕浮偏住落花枝千經暗織春情懶
萬縷閒縈畫景遲帶雨依微牽露網因風撩亂藉蛛絲
何人為報天孫道欲製雲綃得幾時



石倉歷代詩選卷三百六十下